

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 08 » հուլիսի 2020թ.

N Ժ-27/8

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ս. Մխիթարյանի կողմից 12.05.2020 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանի կողմից Գոգոլի փողոցի հ. 24/23 հասցեում բազմաբնակարան բնակելի շենքի կառուցման համար նախատեսված շինարարական հրապարակը սահմանազատող ցանկապատը պատշաճ կազմակերպված չէ և բացակայում է իրազեկող ցուցանակը, որի վերաբերյալ 12.05.2020 թվականին կազմվել է վարչական իրավախախտման վերաբերյալ թիվ 033982 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանը ծանուցված լինելով 08.07.2020 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, 28.04.2020 թվականի հ. 01/18-28087-501 շինարարության թույլտվությունը, անշարժ գույքի նկատմամբ իրավունքի պետական գրանցման վկայականի պատճենը, բացատրագիրը, ընկերության պետական գրանցման վերաբերյալ քաղվածքը, շինարարական հրապարակի կազմակերպման սխեմաները, հատակագիծը, Երևան քաղաքի Կենտրոն վարչական շրջանի ղեկավարի 03.07.2020 թվականի 23/35-63540 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանի կողմից Գոգոլի փողոցի հ. 24/23 հասցեում բազմաբնակարան բնակելի շենքի կառուցման համար նախատեսված շինարարական հրապարակը սահմանազատող ժամանակավոր ցանկապատը պատշաճ կազմակերպված չէ, ինչը բերում է կառուցապատող օբյեկտի շինարարական հրապարակից դուրս ընդհանուր օգտագործման տարածքների աղտոտման՝ ապահովված չէ շինարարական հրապարակի հարակից ընդհանուր օգտագործման տարածքի սանիտարական վիճակը՝ մաքրությունը, ինչպես նաև բացակայում է շինարարական աշխատանքներին վերաբերող ցուցատախտակը: Կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 4-րդ, 5-րդ, 7-րդ ենթակետերով սահմանված պայմանները:

Կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով, որ կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասուննապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 34-րդ հոդվածով, 157.15-րդ հոդվածի 3-րդ մասով, 252-րդ, 219.1-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող «Իմպերիալ Քոնսթրաքշն» սահմանափակ պատասխանատվությամբ ընկերության տնօրեն Տիգրան Գեորգիի Սանասարյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 (հարյուր հազար) ՀՀ դրամի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՐԱՄ ԱՐՈՎՅԱՆ